

AKHBAR : HARIAN METRO
 MUKA SURAT : 21
 RUANGAN : SETEMPAT

Doktor konon

■ *Tukang cuci warga Bangladesh dikehendaki KKM*

Mohd Jamilul Anbia Md Denin
 am@hmetro.com.my

Kuala Lumpur

Bermula daripada hanya tukang cuci di negara ini, seorang lelaki warga Bangladesh dikesan memperdaya ribuan pesakit dengan menyamar sebagai doktor haram di ibu kota.

Lelaki berusia 60-an itu sangat dikehendaki Bahagian Penguatan Penguasaan Farmasi Ibu Pejabat Kementerian Kesihatan Malaysia (KKM) akhirnya ditahan Ahad lalu selepas kerap melarikan diri dalam beberapa siri serbuan sejak tahun lalu.

Difahamkan suspek yang menyamar sebagai doktor menggunakan bilik kecil di dalam kedai runcit di Jalan Silang di sini, sebagai markas kliniknya.

Jurucakap KKM berkata, hasil siasatan dilakukan mendapati lelaki warga asing itu memasuki negara ini menggunakan permit pekerja pembersihan sebelum



PEGAWAI KKM menahan doktor palsu terbabit untuk siasatan lanjut.

berkahwin dengan wanita tempatan.

“Dia menyamar sebagai doktor tanpa tauliah dan turut terbabit menjual ubat-ubatan tidak berdaftar di negara ini.

“Hasil serbuan dilakukan jam 2 petang itu, pegawai Bahagian Penguat kuasa Farmasi Jabatan Kesihatan Wilayah Persekutuan Kuala Lumpur dan Putrajaya

turut menemui pelbagai produk dan ubat-ubatan seludup yang disembunyikan di atas siling klinik haram itu.

“Suspek turut menyorokkan ubat-ubatan haram di dalam stor dan kedai runcit berkenaan yang turut dilengkapi kamera litar tertutup (CCTV),” katanya.

Berdasarkan maklumat, suspek menggunakan khid-

mat beberapa rakan senegara untuk menyeludup masuk ubat-ubatan tidak berdaftar itu ke negara ini.

Ketua Pengarah Kesihatan Malaysia, Datuk Dr Noor Hisham Abdullah dalam keadaannya berkata, pihaknya merampas produk dan ubat-ubatan berjumlah RM180,000 hasil serbuan terhadap klinik milik lelaki warga asing itu.

AKHBAR : KOSMO

MUKA SURAT : 14

RUANGAN : NEGARA

Produk bernilai RM180,000 diseludup dari Bangladesh, India

KKM rampas ubat seludup

KUALA LUMPUR – Kementerian Kesihatan (KKM) merampas produk bernilai RM180,000 yang diseludup dari Bangladesh dan India dalam seruan ke klinik serta farmasi yang lidalangi warga negara asing.

Operasi dilakukan Bahagian Enquakuan Farmasi bersama-sama Bahagian Enquakuan Farmasi abatan Kesihatan Kuala Lumpur dan Putrajaya itu dilanjut di dua premis di sekitar Lebuh Pudu dan Jalan Silang, Kuala Lumpur baru-baru ini.

Ketua Pengarah Kesihatan, Dr. Noor Hisham Abdullah (gambar kecil) berkata, penguat-



PENGUAT kuasa KKM melakukan pemeriksaan bagi mengesan ubat seludup di dua premis di sekitar Lebuh Pudu dan Jalan Silang, Kuala Lumpur baru-baru ini.

kuasa mengesan modus operandi sindiket itu ditukar apabila ubat berkenaan disimpan serta disorok di tempat yang sukar dikesan iaitu di sebalik produk makanan serta barang am.

Waktu operasi mereka juga diubah apabila aktif pada hari

minggu.

"Kementerian sebenarnya sudah melakukan serbuan sama pada tahun lalu iaitu ke atas lima premis haram yang membabitkan warga Bangladesh di kawasan sama," katanya dalam satu kenyataan di sini semalam.

Beliau menambah, penilan produk kesihatan yang tidak berdaftar melanggar Peraturan 7(1)(a), Peraturan-Peraturan Kakanan Dadah dan Kosmetik 1984.

"Mereka yang didapati tidak salah boleh dikenakan hukuman denda tidak melebihi RM25,000 atau penjara tidak melebihi tiga tahun atau kedua-duanya berasal dari kesalahan pertama serta dengan tidak melebihi RM50,000 atau penjara tidak melebihi lima tahun atau kedua-duanya untuk kesalahan berikutnya."

"Orang awam juga boleh menyemak status dan nombor perdaftaran MAL sesuatu produk melalui laman web <http://npmoh.gov.my> atau menghubungi Bahagian Regulatori Farmasi Negara di talian telefon 03-785400 atau menyemak label hologram meditag pada pembungkusannya," katanya.

AKHBAR : UTUSAN MALAYSIA
MUKA SURAT : 5
RUANGAN : DALAM NEGERI

Waspada ubat seludup Bangladesh, India

Oleh JUANI MUNIR ABU BAKAR
pengarang@utusan.com.my

■ PUTRAJAYA 29 MEI

BERSELINDUNG di sebalik produk makanan dan keperluan harian merupakan antara modus operasi baharu kegiatan penjualan produk ubat terlarang yang diimport dari Bangladesh.

Ketua Pengarah Kesihatan, Datuk Dr. Noor Hisham Abdullah mendedahkan, perkara itu dibongkar hasil serbuan bersepadu oleh Bahagian Penguataan Farmasi Kementerian Kesihatan dan Bahagian Penguataan Farmasi Jabatan Kesihatan Kuala Lumpur dan Putrajaya ke atas klinik dan farmasi haram yang didalangi warga Bangladesh pada 26 Mei lalu.

Menurut beliau, serbuan itu dijalankan hasil risikan terperinci ke atas dua buah premis di kawasan sekitar Lebuh Pudu dan Jalan Silang, Kuala Lumpur dan lima premis haram lain melibatkan warga Bangladesh di kawasan sama sekitar 2018.

“Nilai keseluruhan produk dirampas dianggarkan sebanyak RM180,080 dan risikan awal mendapati kebanyakan produk dan ubat tersebut telah diseludup dari Bangladesh dan India.



Serbuan itu dijalankan hasil risikan terperinci ke atas dua buah premis di kawasan sekitar Lebuh Pudu dan Jalan Silang, Kuala Lumpur dan lima premis haram lain melibatkan warga Bangladesh di kawasan sama sekitar 2018.”

NOOR HISHAM ABDULLAH

“Bagi mengaburi mata pihak berkuasa, modus operandi mereka adalah dengan produk-produk tersebut disorok, disimpan dan diselindung di tempat-tempat sukar diakses iaitu sebalik pelbagai produk makanan dan barang am termasuklah mengubah waktu operasi mereka dengan hanya lebih aktif pada hujung minggu,” katanya dalam kenyataan di sini hari ini.

Dr. Noor Hisham menegasaskan, penjualan produk kesihatan tidak berdaftar adalah melanggar Peraturan 7(1)(a) Peraturan-Peraturan Kawalan Dadah dan Kosmetik 1984 dan mereka didapati bersalah boleh dikenakan hukuman denda tidak melebihi RM 25,000 atau penjara maksimum tiga tahun atau kedua-duanya untuk kesalahan kali pertama dan denda tidak melebihi RM50,000 atau

penjara maksimum lima tahun atau kedua-duanya bagi kesalahan berikutnya.

Sehubungan itu, beliau mengesyekh orang awam menyemak status dan nombor pendaftaran MAL sesuatu produk melalui laman sesawang <http://nprr.moh.gov.my> atau menghubungi Bahagian Regulatori Farmasi Negara menerusi talian 0378835400 di samping memastikan label Hologram Meditag pada pembungkusan.

“Selain itu, orang ramai juga boleh memuat turun aplikasi NPRA Product Status daripada Google Play Store bagi menyemak status pendaftaran produk tersebut.

“Aduan berkaitan produk tidak berdaftar boleh disalurkan kepada Program Perkhidmatan Farmasi Kementerian Kesihatan melalui <http://www.pharmacy.gov.my> atau <http://moh.spab.gov.my>.

AKHBAR : SINAR HARIAN

MUKA SURAT : 8

RUANGAN : NASIONAL

RM180,080 ubat seludup dari Bangladesh dan India dirampas

KUALA LUMPUR - Kementerian Kesihatan (KKM) merampas produk kesihatan tidak berdaftar bernilai RM180,080 yang diseludup dari Bangladesh dan India dalam serbuan di klinik dan farmasi yang didalangi warga asing.

Ketua Pengarahnya, Datuk Dr Noor Hisham Abdullah berkata, serbuan dijalankan hasil daripada risikan terperinci ke atas dua buah premis di kawasan sekitar Lebuh Pudu dan Jalan Silang, Kuala Lumpur pada 26 Mei lalu.

Menurutnya, serbuan dilakukan Bahagian Penguatkuasaan Farmasi Ibu Pejabat KKM bersama Bahagian Penguatkuasaan Farmasi Jabatan Kesihatan Wilayah Persekutuan Kuala Lumpur dan Putrajaya membabitkan klinik dan



NOOR HISHAM

farmasi haram yang didalangi pendatang asing warga Bangladesh.

"Bagi mengaburi mata pihak berkuasa, modus operandi mereka telah ditukar di mana produk-produk tersebut disorok, disimpan dan diselindungkan di tempat-tempat yang sukar diakses di sebalik pelbagai produk

makanan dan barangan am.

"Waktu operasi juga diubah dengan hanya lebih aktif pada hari minggu," katanya dalam satu kenyataan di sini semalam.

Noor Hisham berkata, penjualan produk kesihatan yang tidak berdaftar adalah melanggar Peraturan 7(1)(a), Peraturan-Peraturan Kawalan Dadah dan Kosmetik 1984.

"Mereka yang didapati bersalah boleh dikenakan hukuman denda tidak melebihi RM25,000 atau penjara tidak melebihi tiga tahun atau kedua-duanya untuk kesalahan pertama dan denda tidak melebihi RM50,000 atau penjara tidak melebihi lima tahun atau kedua-duanya untuk kesalahan berikutnya," katanya.